



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

« 20 » Դեկտեմբերի 2018թ.

Ո Ր Ո Շ ՈՒ Մ No. 4826/07-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով «ԱՊՏԵՍ» ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների «ԱՊՏԵՍ» ՍՊԸ-ի ՀՎՀՀ՝ 05807284, պետական գրանցման համարը՝ 55.110.00487, հասցե՝ Արմավիրի մարզ, ք. Վազարշապատ, Մ. Մաշտոցի 107 13, տնօրեն Ռոման Վասիլյան) չկատարված հարկային պարտավորությունը «13» դեկտեմբերի 2018թ.-ի դրությամբ կազմել է 15.775.979 դրամ, որից ապառք՝ 13.093.348 դրամ, տույժ՝ 2.682.631 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին «13» դեկտեմբերի 2018թ.-ին հարկ վճարողը ՀՀ ինտերնետով ծանուցման պաշտոնական կայքում տեղադրելու միջոցով պատշաճ կերպով ծանուցվել է, չի ներկայացել վարույթի նյութերին ծանոթանալու համար և որևէ բացատրություն չի տվել:

ՀՀ ՊԵԿ իրավաբանական վարչության պետի կողմից 07.12.2018 թվականին կայացվել է թիվ 237-12-Ա որոշումը «ԱՊՏԵՍ» ՍՊԸ-ից չկատարված հարկային պարտավորությունների գծով վճարման ենթակա 2.868.935 դրամ գումար գանձելու վերաբերյալ, որից ԱԱՀ՝ 523.755 դրամ (ապառք՝ 521.409 դրամ, տույժ՝ 2.346 դրամ), ակցիզային հարկ՝ 2.183.456 դրամ (ապառք՝ 2.173.675 դրամ, տույժ՝ 9.781 դրամ), եկամտային հարկ՝ 161.724 դրամ (ապառք՝ 161.000 դրամ, տույժ՝ 724 դրամ):

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում **12.907.044 դրամ**, որից՝

ԱԱՀ-ի գծով պարտավորությունը կազմում 2.034.498 դրամ, որից ապառք՝ 1.536.791 դրամ, տույժ՝ 497.707 դրամ, որն առաջացել է 2018 թվականի հուլիս, օգոստոս և սեպտեմբեր ամիսների հաշվարկներից և իրավահարաբերության ծագման պահին գործող «Հարկերի մասին» ՀՀ օրենքի 23-րդ և ՀՀ հարկային օրենսգրքի 401-րդ հոդվածներով հաշվարկված տույժերից,

շահութահարկի գծով պարտավորությունը կազմում է 485.768 դրամ, որից ապառք՝ 291.187 դրամ, տույժ՝ 194.581 դրամ, որն առաջացել է 2018 թվականի 3-րդ եռամսյակի շահութահարկի կանխավճարից և ՀՀ հարկային օրենսգրքի 401-րդ հոդվածով հաշվարկված տույժերից,

եկամտային հարկի գծով պարտավորությունը կազմում է 897.648 դրամ, որից ապառք՝ 736.000 դրամ, տույժ՝ 161.648 դրամ, որն առաջացել է 2018 թվականի հունիս, հուլիս, օգոստոս և սեպտեմբեր ամիսների հաշվարկներից և իրավահարաբերության ծագման պահին գործող «Հարկերի մասին» ՀՀ օրենքի 23-րդ և ՀՀ հարկային օրենսգրքի 401-րդ հոդվածներով հաշվարկված տույժերից,

ակցիզային հարկի գծով պարտավորությունը կազմում 9.485.353 դրամ, որից ապառք՝ 7.670.134 դրամ, տույժ՝ 1.815.219 դրամ, որն առաջացել է 2018 թվականի հունիս, հուլիս, օգոստոս և սեպտեմբեր

ամիսների հաշվարկներից և իրավահարաբերության ծագման պահին գործող «Հարկերի մասին» ՀՀ օրենքի 23-րդ և ՀՀ հարկային օրենսգրքի 401-րդ հոդվածներով հաշվարկված տույժերից,

բնապ. հարկ և բնօգտ. վճարի գծով պարտավորությունը կազմում 3.777 դրամ, որից ապառք՝ 3.152 դրամ, տույժ՝ 625 դրամ, որն առաջացել է 2018 թվականի 3-րդ եռամսյակի հաշվարկից և ՀՀ հարկային օրենսգրքի 401-րդ հոդվածով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն «Հայաստանի Հանրապետության 2018 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, «Հարկային ծառայության մասին» ՀՀ օրենքի 4-րդ հոդվածի 9-րդ մասով և «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. «ԱՊՏԵՍ» ՍՊԸ-ից գանձել **12.907.044 դրամ** պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏ

Ստացա որոշման օրինակը



Ա. ՄՆԱՑԱԿԱՆՅԱՆ